



Broj: 01-16-4-2213-8/15

Datum: 07. 10. 2015. god.

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-2213-6/15, od 28.09.2015. godine, donosi sljedeću:

## ODLUKU

### o izboru najpovoljnijeg ponuđača za nabavku usluga štampanja

#### I

**Prihvata se** Preporuka Komisije za nabavke, broj: 01-16-4-2213-6/15, od 28.09.2015. godine da se ponuđač **Štamparija Fojnica d.d. Fojnica**, prvi na rang listi prihvatljivih ponuda, izabere za najpovoljnijeg ponuđača za nabavku usluga štampanja.

**Dodjeljuje se** Ugovor o pružanju usluga štampanja izabranom ponuđaču **Štamparija Fojnica d.d. Fojnica**, ponuda broj: 222/15-1 od 08.09.2015. godine, za ponuđenu cijenu od 6.125,00 KM bez PDV-a.

#### II

**Odbacuje se** kao neprihvatljiva ponuda ponuđača **Grafičar s.p. Doboj**, jer je nepotpuna i ne ispunjava zahtjeve iz tenderske dokumentacije.

**Odbacuje se** kao neprihvatljiva ponuda ponuđača **Tipografija d.o.o. Sarajevo**, jer je nepotpuna i ne ispunjava zahtjeve iz tenderske dokumentacije.

#### III

Ugovor o pružanju usluga štampanja će se dostaviti na potpis izabranom ponuđaču po isteku roka od 10 (deset) dana od dana dostavljanja obavještenja o izboru najpovoljnije ponude svim učesnicima postupka nabavke. Ugovor će se zaključiti na period od godinu dana od datuma potpisivanja istog.

Izabrani ponuđač je dužan dostaviti dokaze o kvalificiranosti u roku od 5 (dana) dana nakon što bude obaviješten od strane ugovornog organa o rezultatima postupka nabavke, a prema tački 13.1 tenderske dokumentacije.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti u dijelu koji se odnosi na izbor najpovoljnijeg ponuđača i dodjelu Ugovor o pružanju usluga štampanja.

#### IV

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH (u daljem tekstu: Ministarstvo).

#### V

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, [www.mhrr.gov.ba](http://www.mhrr.gov.ba) i istovremeno uputiti svim ponuđačima koji su učestvovali u postupku javne nabavke.

#### VI

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

### Obrazloženje

Postupak javne nabavke usluga štampanja je pokrenut Odlukom o pokretanju postupka nabavke usluga štampanja, broj: 01-16-4-2213/15 od 25.08.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je ukupno iznosila 17.521,37 KM bez PDV-a. Obavijest o nabavci, broj: 679-7-2-15-3-8/15 objavljena je dana 25.08.2015. godine na Portalu javnih nabavki.

Konkurentski zahtjev za dostavu ponuda za nabavku usluga štampanja je prosljeđen sljedećim ponuđačima: Blicdruk d.o.o. Sarajevo, Tipografija d.o.o. Sarajevo, Franex Trade d.o.o. Sarajevo i Fram Ziral d.o.o. Mostar, dok su tendersku dokumentaciju tražili i preuzeli sljedeći ponuđači: Facit d.o.o. Sarajevo, Grafičar s.p. Doboj, Grafika Šaran d.o.o. Sarajevo, Primaprom d.o.o. Banja Luka, Svjetlost-BH print d.o.o. Sarajevo, Plan Plus d.o.o. Zenica, Štamparija Fojnica d.d. Fojnica, N. I. G. D. Dnevne Nezavisne novine d.o.o. Banja Luka i Comesgrafika d.o.o. Banja Luka.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je Zapisnik o pregledu i ocjeni ponuda, broj: 01-16-4-2213-5/15 od 28.09.2015. godine i Preporuku o izboru najpovoljnijeg ponuđača, broj: 01-16-4-2213-6/15 od 28.09.2015. godine, u postupku javne nabavke usluga štampanja.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 6 (šest),
- da je blagovremeno zaprimljeno 6 (šest) ponuda,
- da nije bilo neblagovremeno zaprimljenih ponuda,
- da je dat prijedlog da se 2 (dvije) ponude odbace,
- da je ponuda Štamparija Fojnica d.d. Fojnica prva na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija najpovoljnije cijene, kako slijedi:

- |                                       |                         |
|---------------------------------------|-------------------------|
| 1. Štamparija Fojnica d.d. Fojnica    | 6.125,00 KM bez PDV-a,  |
| 2. Svjetlost-BH print d.o.o. Sarajevo | 7.916,00 KM bez PDV-a,  |
| 3. Primaprom d.o.o. Banja Luka        | 9.469,00 KM bez PDV-a,  |
| 4. Fram Ziral d.o.o. Mostar           | 12.749,00 KM bez PDV-a. |

Na osnovu utvrđene rang liste prihvatljivih ponuda, prva na rang listi prihvatljivih ponuda je ponuda ponuđača Štamparija Fojnica d.d. Fojnica u iznosu od 6.125,00 KM bez PDV-a.

Na osnovu člana 68. stav (1) i (4) tačka i) Zakona o javnim nabavkama, Komisija je utvrdila da su ponude Grafičar s.p. Doboj i Tipografija d.o.o. Sarajevo neprihvatljive i iste je potrebno odbaciti iz sljedećih razloga:

Ponuđač Grafičar s.p. Doboj nije dostavio potpisan i opečaćen Aneks 7 Obrazac izjave o podugovaranju. Aneks 7 Obrazac izjave o podugovaranju je bio obavezan dio ponude i u skladu sa tačkom 13.1 i 15. Konkurentskog zahtjeva za dostavu ponuda za nabavku usluga štampanja ponuđač je bio obavezan da isti dostavi.

Na osnovu naprijed navedenog, ponuda ponuđača Grafičar s.p. Doboj je neprihvatljiva iz razloga što je nepotpuna i ne ispunjava zahtjeve iz tenderske dokumentacije, te se ista odbacuje.

Ponuđač Tipografija d.o.o. Sarajevo nije uredno popunio Aneks 2 Obrazac za ponudu, odnosno na obrascu pod „Broj nabavke:“ i „Broj obavještenja sa Portala JN:“ nije ništa upisao, a pod tačkom 3. „Cijena ponude (obavezno popuniti)“ nije popunjen dio „Ukupna cijena naše ponude (bez PDV-a) i sa uključenim popustom iznosi \_\_ KM ili slovima \_\_\_\_“.

U Aneksu 7 Obrazac izjave o podugovaranju nije zaokružena niti jedna od ponuđenih opcija, iako je u napomeni jasno navedeno da je ponuđač obavezan zaokružiti jednu od ponuđenih opcija koje se odnose na podugovaranje. Također, obrazac nije potpisan od strane ovlaštene osobe, niti je upisano mjesto i datum davanja izjave.

Vezano za sposobnost obavljanja profesionalne djelatnosti, ponuđač nije dostavio original ili ovjerenu kopiju Aktuelnog izvoda iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke (ne starija od 3 mjeseca), već je dostavio Uvjerenje o poreznoj registraciji izdato 08.04.2009. godine, što se ne može smatrati dokaz za sposobnost obavljanja profesionalne djelatnosti u smislu člana 46. Zakona o javnim nabavkama.

Nadalje, ponuđač nije dostavio Referenc listu niti bilo kakav dokaz o minimalno dva realizovana ugovora koja se odnose na predmet nabavke u prethodne dvije godine.

Na osnovu naprijed navedenog, ponuda ponuđača Tipografija d.o.o. Sarajevo je neprihvatljiva iz razloga što je nepotpuna i ne ispunjava zahtjeve iz tenderske dokumentacije, te se ista odbacuje.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponude ponuđača Štamparija Fojnica d.d. Fojnica, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.


S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Štamparija Fojnica d.d. Fojnica je izabran primjenjujući kriterij „najniža cijena“.

U skladu sa naprijed navedenim, i primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Uputa o pravnom lijeku:**

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.



Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.